



სსიპ საქართველოს ტექნიკური უნივერსიტეტის
აკადემიური საბჭო

დადგენილება № 01-05-04/37

ქ. თბილისი

9 მაისი 2018

საქართველოს ტექნიკური უნივერსიტეტის

დამოუკიდებელი სამეცნიერო-კვლევითი ერთეულების სამეცნიერო თანამდებობის
დაკავების მიზნით დამატებითი პირობების დამტკიცებისა და კონკურსის გამოცხადების
შესახებ

„უმაღლესი განათლების შესახებ“ საქართველოს კანონის 21-ე მუხლის პირველი პუნქტის ბ² ქვეპუნქტის, საქართველოს განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით დამტკიცებული „საჯარო სამართლის იურიდიული პირის – საქართველოს ტექნიკური უნივერსიტეტის წესდების“ მე-8 მუხლის პირველი პუნქტის რ⁵ ქვეპუნქტისა და მე-11 მუხლის პირველი პუნქტის ნ¹ ქვეპუნქტისა და უნივერსიტეტის შესაბამისი დამოუკიდებელი სამეცნიერო-კვლევითი ერთეულის წარდგინების საფუძველზე **საქართველოს ტექნიკური უნივერსიტეტის აკადემიურმა საბჭომ დაადგინა:**

1. დამტკიცდეს სსიპ საქართველოს ტექნიკური უნივერსიტეტის ქვემოთ ჩამოთვლილი დამოუკიდებელი სამეცნიერო-კვლევითი ერთეულების, ინსტიტუტების (ცენტრების) სამეცნიერო თანამდებობის დაკავების დამატებითი პირობები და სამეცნიერო თანამდებობის დასაკავებლად გამოცხადდეს კონკურსი დანართი №1-ის შესაბამისად:
 - 1.1. ნაგებობების, სპეციალური სისტემებისა და საინჟინრო უზრუნველყოფის ინსტიტუტი;
 - 1.2. ნიკო მუსხელიშვილის სახელობის გამოთვლითი მათემატიკის ინსტიტუტი;
 - 1.3. ვლ. ჭავჭავანიძის სახელობის კიბერნეტიკის ინსტიტუტი;
 - 1.4. არჩილ ელიაშვილის სახელობის მართვის სისტემების ინსტიტუტი;
 - 1.5. კვების მრეწველობის ინსტიტუტი;

- 1.6. მემბრანული ტექნოლოგიების საინჟინრო ინსტიტუტი;
 - 1.7. წყალთა მეურნეობის ინსტიტუტი;
 - 1.8. ჰიდროგეოლოგიისა და საინჟინრო გეოლოგიის ინსტიტუტი;
 - 1.9. ჰიდრომეტეოროლოგიის ინსტიტუტი;
 - 1.10. ინსტიტუტი „ტალა“;
 - 1.11. საქართველოს საწარმოო ძალებისა და ბუნებრივი რესურსების შემსწავლელი ცენტრი;
 - 1.12. ინსტიტუტი „ტექინფორმი“;
 - 1.13. ბიოტექნოლოგიების ცენტრი;
 - 1.14. კვანტური ფიზიკის ინსტიტუტი.
2. წინამდებარე დადგენილებით მიღებული გადაწყვეტილება დასამტკიცებლად გადაეცეს წარმომადგენლობით საბჭოს (სენატი);
 3. წარმომადგენლობით საბჭოს (სენატი) მიერ ამ დადგენილებით მიღებული გადაწყვეტილების დამტკიცების შემდეგ, სამეცნიერო თანამდებობის დასაკავებლად კონკურსის გამოცხადების შესახებ, ინფორმაცია გამოქვეყნდეს ბეჭდური მედიის საშუალებით და განთავსდეს უნივერსიტეტის ვებგვერდზე.
 4. დადგენილება შეიძლება გასაჩივრდეს გამოქვეყნებიდან 1 თვის ვადაში თბილისის საქალაქო სასამართლოში (მდებარე: ქ. თბილისი, დავით აღმაშენებლის ხეივანი, მე-12 კმ, №6).

აკადემიური საბჭოს თავმჯდომარე

აკადემიური საბჭოს მდივანი

ა. ფრანგიშვილი

გ. სალუქვაძე